

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
Қ А Р О Р И



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

24 ноябрь 2017 й.г. № 941

Тошкент ш. – г. Ташкент

**Портлаш хавфи бўлган муҳитларда ишловчи асбоб-ускуналарнинг
хавфсизлиги тўғрисидаги умумий техник регламентни тасдиқлаш ҳақида**

"Техник жиҳатдан тартибга солиш тўғрисида"ги Ўзбекистон Республикаси Қонунига мувофиқ, портлаш хавфи бўлган муҳитларда ишловчи асбоб-ускуналарнинг хавфсизлигига қўйиладиган ягона талабларни белгилаш мақсадида Вазирлар Маҳкамаси қарор қилади:

1. Портлаш хавфи бўлган муҳитларда ишловчи асбоб-ускуналарнинг хавфсизлиги тўғрисидаги умумий техник регламент иловага* мувофиқ тасдиқлансин ва расмий эълон қилинган кундан бошлаб олти ой ўтгач амалга киритилсин.

2. "Техник жиҳатдан тартибга солиш тўғрисида"ги Ўзбекистон Республикаси Қонуни талабларига мувофиқ техник регламентлар амалга киритилгач стандартлаштириш бўйича уларда кўрсатилган маҳсулотлар ва хизматларга доир илгари қабул қилинган норматив ҳужжатларнинг мажбурийлик хусусиятини йўқотиши ва белгиланган тартибда қўлланилишида ихтиёрийлик касб этиши маълумот учун қабул қилинсин.

3. "Ўзстандарт" агентлиги ушбу қарор билан тасдиқланган Умумий техник регламент амалга киритилган кундан бошлаб портлаш хавфи бўлган муҳитларда ишловчи асбоб-ускуналарни стандартлаштириш бўйича норматив ҳужжатларни қўллашда мажбурийлик хусусиятини бекор қилиш ва ихтиёрийликни таъминлаш юзасидан ваколатли органлар билан биргаликда белгиланган тартибда чора-тадбирлар кўрсин.

4. "Ўзбекнефтгаз" АЖ, "Ўзстандарт" агентлиги Ўзбекистон Миллий телерадиокомпанияси билан биргаликда тасдиқланган Умумий техник регламентнинг мақсадлари, мазмуни ва уни қўллаш тартиби тўғрисида аҳоли, давлат ва хўжалик бошқаруви органлари, тадбиркорлик фаолияти субъектларининг кенг хабардор қилинишини таъминласинлар.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – "Ўзбекнефтгаз" АЖ бошқаруви раиси А.С.Султонов, "Ўзстандарт" агентлиги бош директори А.У.Каримов ва "Саноатгеоконтехназорат давлат инспекцияси бошлиғи Б.В.Ғуломов зиммасига юклансин.

Ўзбекистон Республикасининг
Бош вазири



А.Арипов

*) Илова рус тилидаги матнда берилган.